

福建府縣志輯

中國地方志集成

乾隆福州府志(二)

民國閩侯縣志

中國地方志集成

福建府縣志輯②

乾隆福州府志(二)

民國閩侯縣志

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成. 福建府縣志輯. 2, 乾隆福州府志.
2、民國閩侯縣志 / 上海書店出版社編. - 上海: 上海
書店出版社, 2000. 10
ISBN 7-80622-424-6

I. 中... II. 上... III. ①地方志-中國②地方志-
福建-福州府③地方志-福建-閩侯縣 IV. K29

中國版本圖書館 CIP 數據核字 (2000) 第 27768 號

福州府志卷之四十七

名宦二 歷代郡守
陳佐附

晉

嚴高太康三年爲晉安太守時初置郡詔治閩越故城高
顧視險隘不足容衆遂改築子城又鑿迎仙館前連於
海橋通舟楫之利城西濬東西二湖溉田數萬畝至今
利之 正德
府志

宋

虞愿字士恭餘姚人泰始末爲晉平太守前政與百姓交
關質錄其兒婦愿遣人於道奪取還之初立學堂教授

福州府志

卷四十七 名宦二

一

郡出蟒蛇膽可爲藥有遺愿蛇者愿不忍殺之放二十
里外一夜蛇還牀下又放四十里外復來歸論者謂愿
仁心所感海邊有越王石常隱雲霧相傳清廉太守乃
得見愿往觀之清徹無隱 南
史

王秀之字伯奮郡人元徽間爲晉平太守遺書朝士曰

郡承虞公之後善政猶存差得無事暮年求還或問其

故答曰此郡沃壤珍阜日至人所昧者財財生則禍逐

者不昧財亦不逐禍吾山資已足豈可久留人以爲

王晉惠求歸 南齊
書

王仲起字子震吳興人建元初爲晉平郡清廉自立

數日見可欲心能不亂此楊公所以遺子孫也後官至

廷尉卒 南齊書沈惠傳 按仲起舊志職官俱
誤作仲起名宦無傳今考南齊書補入

王僧孺字僧孺東海郟人齊文惠太子聞其名召入東宮

直崇明殿欲擬爲官僚文惠薨不果時王晏子得元出

爲晉安郡以僧孺補郡丞除候官令建武初有詔舉士

楊州刺史始安王遙光表薦秘書丞王暕及僧孺曰前

福州府志

卷四十七 名宦二

二

候官令東海王僧孺年三十五理尚棲約思致恬敏既
筆耕爲養亦備書成學至乃照螢映雪編蒲緝柳先言
往行人物雅俗甘泉遺儀南宮故事畫地成圖抵掌可
述豈直懸鼠有必對之辯竹書無落簡之謬訪對不休
質疑斯在除尚書儀曹郎 南齊
書

梁

范縝字子真南鄉舞陰人天監初爲晉安太守在郡清約

資公祿而已還尚書左丞及還雖親戚無所遺贈 梁
書

後唐福州刺史俱以福建都團練觀察使兼傳列名宦

上卷茲不重見

朱

楊克讓字慶孫馮翊人太平興國初以兩浙西南路轉運使權知州事泉州民嘯聚爲盜克讓在福州卽率其屯兵至泉與王明王文寶共討平之歷官廉謹幹局所至有聲

宋史卷萬
歷府志

馬亮字叔明合肥人舉進士淳化間諸路轉運使置糾察刑獄官命亮覆訊福建路全活者多遷太常博士知福州蘇易簡薦亮才任繁劇召還後以太子少保致仕呂

福州府志

卷四十七 名臣二

王

夷簡少從其父蒙亨爲縣吏至福州亮見而奇之妻以女世謂亮知人

宋史卷
閩書

謝泌字深源歙人太平興國五年進士官兩浙運使景德初移知福州時郡城海橋要衝木梁易朽泌欲易以石民陳祐等奔走奉命泌去任後民不忍忘而橋竟完及聞泌卒相率縞素曰侯吾民天地也不張權不恃勢兄弟爭者論之頑狠者責之訟幾息矣時繼守嚴辟疆尙嚴聞其言政亦爲寬後守元積中書去思易橋名民爲立祠陳烈爲記

正德
府志

王平甫田人大中祥符中知福州轉運使王贊言福州官田宜課租如漳泉例平曰額外增稅民何以堪奏止之

書

王臻字及之汝陰人天禧中知州事聞俗姦者噉野葛人人有抵死者臻廉其狀姦不得行人甚賴之又民間利火作倉猝輒掠其財以爲常臻捕首惡杖流之民乃安其嚴明如是

新舊福建
通志合纂

胡則字子正婺州承安人以進士起家天聖中知福州時張希顏奏請福州官莊田納二稅外仍輸租米則奏官

福州府志

卷四十七 名臣二

田

田多瘠且濱海有潮患不宜增稅詔從之

宋史

章類字簡之浦城人天聖中知福州僞閩時賦民官田歲輸租稅而已至是轉運使方仲荀謂鬻之可得緡錢二十餘萬類上疏言錢數浩大田無可輸價詔悉除之

歷

府志

鄭載天聖中知福州先是知州謝泌王臻章類皆賢而載亦以循良稱民爲歌曰前有謝王後有鄭章

閩書

方嶠字次山莆田人景祐元年進士初調平陽尉改福州司理參軍州民有誣繫獄者守促令引服嶠力辯其寃

改秘書丞著作郎

開書

陳鑄字師回興化人康定初知南雄秩滿以母老不復請郡求通判福州以便養親蔡襄序其行謂鑄之孝足爲人子之勸福州自景祐建學紱誦無聞鑄丞替其守延

師增廩以教之一時學者靡然向風

正德府志

蔡襄字君謨仙遊人天聖進士由右正言直史館乞便養親出知福州始復古之五塘又奏減五代時州民丁口稅之半陞本路轉運使尋以父喪去嘉祐初以樞密直學士禮部郎中再知福州禮士之賢者以勸學興善而

福州府志

卷四十七名宦二

五

變民之故俗初閩士專用賦應科舉襄得耆儒周希孟館以師禮具茶錢設都養以經術傳授襄亦屢至勸誘延處士陳烈尊以師禮而陳襄鄭穆德行著稱襄折節下之士乃多通經習益醇俗重凶事奉浮屠會賓客盡力豐後游民貪飲食利錢財來者踵沓遂有親仁破產辦具或立券舉債終身困不能償襄曰弊有大此者耶卽下令禁止至於巫覡主病蠱毒殺人之類皆漸絕之擇民之聰明者教以醫藥使治疾病條其事作五戒諭教之閩俗丕變州民刻石紀其績拜端明殿學士卒年

五十有六贈少師諡忠惠

開書正德府志

曹穎叔字秀之亳州譙人皇祐中儂智高寇嶺南朝議以閩中兵備久弛擢天章閣待制知福州推恩行惠剋煩去蠹整肅戎政治行不下古人

正德府志

燕度字唐卿益都人嘉祐中知福州會盜起度請假事權制攝一道遂加兵馬鈴轄所至善狀日聞

正德府志

元絳字厚之錢塘人登第攝上元令安撫使范仲淹表其才嘉祐間知福州奏罷錢氏無名之徵所蒞咸有異政而無特操工於文詞爲流輩推許拜衆知政事卒年七

福州府志

卷四十七名宦二

六

十六諡章簡

宋史

程師孟字公闕吳人進士甲科熙寧中知福州築子城浚河墾建學舍治行最東南累領劇鎮爲政簡而嚴罪非死者不以屬吏發隱捕伏如神豪惡不逞者痛懲艾之至勦絕乃已以光祿大夫致仕卒年七十八

正德府志

曾鞏字子固南豐人熙寧末以龍圖閣知州事時劍州盜廖思雖降餘衆尙合旁連數州鞏以計致之自縛歸者二百人奏增瀕海巡簡官自是境內盜盡息福多佛利僧利其富饒爭欲長其徒鞏俾其徒自相推擇識諸籍

以大序錄又禁婦女無入寺官舊無職田歲窮園蔬以供公費章曰太守與民爭利可乎罷之章所至州不遣人至縣縣不遣人至田里省文移令行禁止因園屢空吏民安其政

萬歷府志

孫覺字莘老高郵人元豐中知福州閩俗厚於婚喪用財無藝覺裁爲中法資裝無得過百千塋埋之費亦幸減十五俗大便之民欠市易錢繫者甚衆有管下富人出錢五百萬葺佛殿請於莘老莘老徐曰汝輩施錢者何曰願得福耳曰佛殿未甚壞佛未至露坐也孰若爲獄

福州府志

卷四十七 名宦二

七

因代償官逋使數百人釋桎梏之苦得福豈不多乎富人不得已諾之即日輸錢固圉一空

史記

柯述字仲常南安人述與弟述迥嘗贊文蔡襄襄奇之嘉祐四年進士歷知襄邑盜悉奔他境神宗聞之召對使殿書其姓名於屏擢知懷州元祐元符中兩知福州州舊無貢院每大比卽廟學中爲試院先聖釋奠反移他所述擇州治東南公廨及廢地爲院構堂百二十區士人便之

關書

林深字原叔莆田人紹聖中爲福州觀察推官時溫益

知州事事一委之深之在告益曰今日廢吾手矣

府志

江常字少明惠安人靖康初知福州時建賊乘流趨州城常登陴呼其酋諭以禍福許爲騰奏賊羅拜散去州卒驕橫喧噪衙門常得其尤者誅之士卒始識紀律

府志

程邁徽州黟縣人建炎四年以朝散大夫徽猷閣待制知福州時建寇猖獗邁請師於朝命叅政孟庚少師韓世忠討平之郡人各爲立生祠因更名武備堂曰止戈以

福州府志

卷四十七 名宦二

八

旌其功自臺門至虎節門大井有七歲久多湮悉令濬之民獲其利紹興間復以顯謨閣直學士左中奉大夫再知州事

正德府志

張守字子固晉陵人紹興初知福州時右司員外郎張宗臣請築福州城守奏州人困弊請俟他年遂止闕自范汝爲之擾公私空乏守在鎮四年撫綏凋瘵奏蠲所貸常平糴錢十五萬初僞閩以八州之產分三等上給寺觀中下給士著流寓守祇留四十餘剩餘悉爲實封歲入不下七八萬緡以助軍資餘充雜料當時稱便

正德府志

張致遠字子猷沙縣人宣和三年第進士宰相范宗尹薦其才召對權樞密院計議官建寇范汝爲已降猶懷反側招安官謝鸞盧棠受賊賂陰與之通致遠謁告歸知其情還自執政捕黨等付獄詔孟庚韓世忠討之辟致遠爲隨軍機宜文字賊平除兩浙轉運判官遷侍御史請罷權福建監獄遷顯謨閣待制知台州以海寇鄭廣未平改知福州廣聞致遠來輒請降致遠選留四百人置營城外復遣廣討他郡寇數月悉平致遠鏹亮有學識歷臺省侍從言論風采皆卓然可觀趙鼎嘗稱其有

福州府志

卷四十七 名宦二

九

士望他日所守不渝宋史余正德府志

薛弼字直老永嘉人紹興間福州大盜起其黨甚盛詔厚

弼集英殿修撰知福州弼言昔守章貢有武夫周虎臣

陳敏所屬丁壯數百皆精悍可任勦捕乃以虎臣爲副

將敏爲巡檢選千人隸戲下號奇兵日給糗糧責以滅

賊凡四年而賊平正德府志余正德府志

林秀字德甫莆田人紹興中通判福州適朝廷計僧口給

食悉籍餘財輸戶部秀以閩中地瘠民貧州郡督辦煩

重若寺觀餘財悉籍戶部則州之歲計益欲復殃民遂

白府帥張澄乞澄于朝自計口外餘財充歲計朝廷如

其請正德府志

汪應辰字聖錫信州玉山人紹興五年進士第一隆興

知福州未幾升敷文閣待制舉朱熹自代在鎮二年奏

蠲一切苛賦應辰少從呂居仁胡安國遊張栻呂祖謙

深器許之接物溫遜遇事特立不回以忤秦檜流落嶺

嶠十有七年檜死始還朝宋史

趙子瀟字清卿宋宗室隆興初以龍圖閣直學士知福州

歲饑告糴傍郡平價濟民進龍圖閣學士移知泉州宋史

福州府志

卷四十七 名宦二

十

張次夔字和仲浦城人以廩補官福州理據部使者攝州

事以私意撓獄次夔堅持不可使者不能奪遷西安令

宋史

姚希得字達源潼川人爲福州通判徒步至候官吏不知

爲通判也希得忠亮平實清儉自持好引善類不要虛

譽正德府志

梁克家字叔子泉州晉江人幼聰明絕人紹興三十年廷

試第一淳熙六年以資政殿大學士知福州在鎮有治

績不以貴顯自泰以優擢去趙雄奏令再任降旨仍知

嘉祐九年入拜右丞相封魏國公卒贈少師謚文靖

修三山志四十卷

宋史蔡正德府志

趙汝愚字子直宋宗室居饒之餘干早有大志每曰丈夫得汗青一幅始不負此生乾道間擢進士第一淳熙九年以集英殿修撰知福州仁厚愷悌持身潔白州西舊有湖溉民田數萬畝豪淫爲田水無所儲遇潦則西北一帶低田淪爲巨浸汝愚請復行開濬從之越四載移四川制置紹熙初以敷文閣學士再知州事踰年擢知樞密院事卒贈太師謚忠定嘉熙初追封福王汝愚學

福州府志

卷四十七名宦二

士

務有用聚族而居門內三千指恩意均洽無間言爲夕

郎大冬衣布裘爲相亦然

宋史蔡正德府志閩書

陳傅良字君舉溫州瑞安人入太學與張栻呂祖謙友善登進士甲科教授泰州參知政事龔茂良薦於朝改太學錄出通判福州丞相梁克家領帥事委成於傅良傅良平一府曲直壹以義強禦者不得售其私陰結言官

論罷之

宋史

柯甫田人紹興中主閩縣簿累調福清丞敏於爲政以稱嘗捐俸以修學館後知福州前守馬大同

最歛斂城不果析遂成之周圍四十丈設軍市民不擾在郡簡訟寬賦民甚便之

萬曆府志

陳居仁字安行興化軍人慶元初以實文閣持制知福州入境有饑民哺聚部分居仁遮擊之首惡計窮自經死治宗室之暴橫申蠱毒之舊禁踰年被調民思而祠之居仁風度凝遠處已應物壹以誠信臨事毅然有守所至號稱循吏

宋史蔡正德府志

倪思字正甫歸安人歷知泉州建寧後爲禮部尚書因論事忤史彌遠力求去遂以實謨閣直學士知鎮江府移

福州府志

卷四十七名宦二

士

知福州彌遠拜右丞相陳晦草制用昆命元龜語思歎曰此舜禹揖讓也乃上省牘請貼改麻制詔下分析彌遠遂除晦殿中侍御史即劾思藩臣僭論麻制鑄職罷之真德秀將守泉思懸車於家貽書問政告以毋崇宴觴毋聽珠貨靜以安民儉以化俗思歿德秀爲祠而祀之

宋史蔡正德府志

黃度字文叔新昌人嘉定間知福州始至訟牒日千餘度隨事裁決未午而畢史稱其守正不阿進退裕如粹然

君子

閩書

羅必元字亨父進賢人嘉定十年進士歷福州觀察推官

有勢豪李遇奪民荔支園必元直之遇爲言官以私憾

罷之淳祐間通判贛州度宗卽位以直寶章閣兼宗學

博士致仕卒年九十一必元常從危種包遜學最有淵

源見理甚明風節甚高至今鄉人尊之

宋史

王居安字資道黃巖人端平初以敷文閣待制知福州

提舉崇福宮將行鹽寇起寧化居安以書諭汀守曰土

瘠民貧業於鹽可盡禁耶且彼執三首惡以自贖宜治

此三人他可勿窮治部使者遣左翼軍將鄧起提兵往

福州府志

卷四十七名宦二

圭

起貧夜冒險與寇角以死軍潰事聞命居安專任招捕

居安既留募軍校劉華印銳者授計畫汀賊已至郡知

帥撫納意卽引退華銳出入賊中指期約降有以右班

攝汀守者以知兵自任欲出不意爲已功賊敗走約建

劍諸郡並江西嘯聚蜂起居安議不合歎曰吾可復求

焦頭爛額功耶卽拜疏歸卒累贈少保

宋史

黃德秀字景元一字希元浦城人登慶元五年進士端平

初以徽猷閣待制知泉州改知福州戒所部無濫刑橫

歛禁徇私贖貨罷市令司曰物同則價同寧有公私之

異聞縣里正苦督賦革之屬縣苦貴糴便宜發常平賑

之海寇縱橫次第禽殄之日延聘耆儒躬臨講習以教

郡之秀士召爲戶部尚書辭不允除翰林院學士知制

誥拜叅知政事三乞祠祿以資政殿學士提舉萬壽宮

卒謚文忠自佐胄立僞學之名以錮善類凡近世大儒

之書皆顯禁以絕之德秀晚出獨慨然以斯文自任講

習而服行之黨禁既開而正學明於世

宋史

王鏐景定五年知州事先是州學火鏐至卽撤唐安寺以

其材構禮殿撤複遊亭以其材構養元堂又創奎文閣

福州府志

卷四十七名宦二

孟

橋門泮池廩廚齋舍咸具廟學一新

正德府志

吳革咸淳初知州事雅重風化嘗創道立堂祠濂溪以下

諸賢附以賢牧又創經史閣官至戶部尚書

正德府志

按宋知州事有兼安撫司者傳列名宦上卷茲不重

見

明

楊士英洪武間知福州爲政嚴明興禮讓厚風俗凡百建

置俱有條理吏民感服郡則之

萬曆府志

周孟初字仁長象山人宣德間福州府同知在任八年公

廉方介鋤抑豪右閩人有鐵面之號陞泉州知府未至

卒

畢亨字文亨卑縣人景泰間知福州清而能恕利弊去其

太甚尤加意學校繕紳愛悅後官至都御史

萬歷府志

江祖字崇善歙人天順間為福州推官廉謹而明郡無冤

獄

萬歷府志

唐珣字廷貴華亭人天順丁丑進士成化間以刑部郎中

出知福州正統而後郡守見臺省大吏傳誥過當珣始

至謁御史一揖而已有奸人假中官名號攫人財珣擒

福州府志

卷四十七 名宦二

五

治之珣為政以興學勸農為先務葺學官增書院延師

以教郡之子弟創巡春亭於東郊時省耕歛江湖可田

者令民悉墾之築塘於五虎門以捍海潮先時省會諸

監司徭役郡獨當之珣請於上使七郡均其勞水口三

山 驛需費浩繁為哀小筭白沙羨銀足之修餘俗廣

比寺倚置四鄉義倉設四關義塚禁火葬其於便民之

事知無不為珣勤恤通敏而持已峻潔人不敢以私干

後官至都御史郡人祀之西郊蓋二百年罕儔焉

萬歷府志

潘漢字子川上饒人宏治間知福州漢性峭直鎮守官驛

恣漢守法獨不少屈郡有靈濟宮舊遣中官掛袍歲費

公帑萬計漢上疏罷之後遂開數歲一遣鴻臚官以為

常撫字郡人尤有恩澤與上官不合棄職歸

萬歷府志

秦祐字子慎鄱陽人年十九師事胡居仁宏治十二年舉

進士為南京刑部員外郎以事忤劉瑾落職瑾誅起為

福州知府鎮守太監市物不與民直民羣訴於祐祐慰

遣之云將列狀上聞鎮守懼稍戢然悲甚遣告其黨曰

不去余祐何鎮守為然祐素廉撫拾竟無所得嘉靖初

福州府志

卷四十七 名宦二

五

歷官至太僕寺卿改吏部右侍郎祐已先卒

泰明史

葉溥字時用龍泉人正德間知福州溥少遊學於閩具知

人情土俗及為郡每聽訟片言決之無敢欺者溥又能

以儒術飾吏治政暇蒐舉典祀崇獎節義以興教化入

覲京師無以為費過家其父為稱貸乃能治行裝

萬歷府志

歐陽鐸字崇德泰和人正 中自南兵部郎出知延平有

司禮監蕭敬郡人也家人暴橫殺人官喋不敢理鐸立

捕生之敬大怒訴以他事械繫至京會有解之者得免

尋舉劄奏調福州上疏引疾辭不許至則裁供餼禁橫

索於是鎮守太監公同某不敢肆欲有所泄怒會頗昨得謂神惠宜盡取諸祭不當益以市肉於是諸司昨損舊十之九又不及鎮守諸客尚怒曰往昨我特豕特羊今何得不至今隸委昨府庭去鐸陽為不喻謂相禮諸生曰此尚豕母乃以相勞持去始割分之詣鎮守謝及迎春又不設雜戲尚公怒鐸以正折之尚不能屈借他事為名肆惡聲欲因激發相毆擊鐸第魚睨而已尚迫塞出悖謬語鐸徐拱手言曰此非臣子所宜言上聞之無乃不可乎徑趨出尚偵伺數月無可得乃因三司官謝

適為於時客過府城至不敢張宴上官索辦不下福州府皆陽為獎譽肉殊不喜會編審里甲鐸謂福州海六山三田賦僅十一役不得優仕宦偏累齊民於是巨室聞然議起謂非人情不可近獨御史汪珊益敬鐸不為推衆議稍息嘉靖初入觀舉治行第一賜半酒綵徽後仕至吏部右侍郎諡恭簡

開書卷

汪文盛字希周崇陽人正德辛未進士初授饒州推官入為兵部武選司主事諫南巡拜杖嘉靖三年出知福州文盛有吏才多智畧初至值大役踈乞蠲租發廩復四

鄉社倉倣朱子備荒法

行之故歲雖饑而民無流徙

興水利開上王舊港

奉新河灌田四十餘頃又減丁錢

省傳費築羅源諸邑城議處琉球諸舶法施於後操下

極嚴不得以一錢冒費公帑上官若鎮守若監司私取

於民必曲泥之政暇則課諸生為文官終大理寺卿時

有長樂令汪瑄者婺源人也嘉靖四年夏早秋潦文盛

與瑄顯憲司發倉廩賑以聞詔獨是年田租民為之歌

曰天降殃歲卒荒不有二汪誰立我僵

萬曆府志卷長樂縣志

朱豹字子文上海人嘉靖間知福州歷官有廉聲解中有

順天府志

卷四十七

名宦二

七

鷓鴣豹幼子玩弄之跡行欲持歸豹妻急止之曰爾父

未嘗持一毫官物二鳥亦官物也可持歸耶其清操信

於妻子如此

開書

胡有恒字貞甫山陽人嘉靖癸未進士嘉靖間知福州勤

敏練達先時郡驛傳役富民求取無節往往破產有

恒議更催役令民出錢輸之官而費始有經御史下其

法於七郡至今行焉建寧有陳咸者被誣坐大辟十九

年有恒雪其冤永春流劫所司官監捕五十餘人拷

掠頗虎猶不得實事下有恒鞠治有恒見所繫梏子一

人詢之知以父累心惻然反屢辭職皆得不死有恒博

學好文時引諸生與之講經義得指授者甚衆官終廣

西布政使始有恒政尚猛榜笞禁人聲時頗病之繼者

用寬狎玩偷竄民始思有恒不置萬歷中巡撫龐尚鵬

以有恒與葉溥歐陽鐸汪文盛並祀曰福郡四賢守

府志卷之

葉經字淑明上虞人嘉靖間福州推官經神容止勵節操

遇事屹然有守郡人敬之後入爲御史號敢言相嵩深

忌之廷杖死萬歷府志

福州府志 卷四十七 名宦二 七

王尚學馬平人嘉靖間福州推官雅有志操浦城巨姓以

計殺三人獄具郡不能決監司移尚學訊之時有枋局

者得賄欲釋其罪尚學力持不可尚學貌寢枋局者易

之乘醉以他事叱尚學終不爲奪也後入爲職方郎中

萬歷府志

徐訪號東臯永康人通判福州精敏練達以嘉靖十八年

攝連江縣事時邑治無城山海有警數被患訪心籌之

爲大府陳建城之策未報可訪去寇復蹂躪大府方患

訪言邑人王德溢亦上其議乃飭建城命訪董其役

年告竣連江有城自訪始士民爲祠祀之連江縣志

邊維垣字師甫彭縣人隆慶間知福州簡靜敦慎有清介

之守郡人愛之萬歷府志

陳楠字子材奉化人萬歷初知福州居官清慎不以脂膏

自潤巡撫劉堯誨議復夫甲庫役等差楠力持不可幾

爲所中遷兩淮運使去通志

潘頤龍字躍卿錢塘人萬歷初知福州居官凜凜有風裁

斷獄精敏士民左右皆以嚴見憚通志

何繼高山陰人萬歷間知福州時倭躡潮潮閩海震動繼

福州府志 卷四十七 名宦二 千

高練兵措餉築城偵諜覘畫井然甲午夏米價驟湧市

民乘機聚掠繼高急發衛卒守軍器局分兵屯諸巷口

挺身撫諭亂乃定仍設策轉粟潮贛間連歲饑而不害

尋遷長蘆轉運使行日軍民遮留萬歷府志

劉日升字扶生廬陵人萬歷庚辰進士選福州司理摘發

如神有大姓殺人而賄人代之約婦其女而婿其子日

升語代者曰彼詐汝耳汝身死彼卒寒盟安能泉下控

之代者悔而泣乃坐大姓惡少調人婦遇其夫扼吭斃

之沉諸井令婦誣其叔曰是故與夫有仇獄久不決日

升呼婦前從容好語婦感動日升愴然曰死者不復生

償之果何益但屍糜爛誠可傷耳婦忽失口屍在井中

未毀也出之面如生遂伏法又有婦殺夫而焚其舍以

火為解日升謂火死者口有灰取二蔬一死一活焚之

果驗婦遂語塞有僧利其師財潛殺之誣他僧他僧不

能辯日升視其刀有匠名呼問之則其徒刀也論如法

鄉紳子為中表所毒實假手於其婢而反誣其婦日升

夢三毒蟲在案傍若有人呼楊六者詰之則藥果市之

楊祿遂窮鞫抵罪嘗視篆古田道逢負傀儡者遽命縛

福州府志

卷四十七 名宦二

五

之曰而盜魁也訊之果然人以問日升日升曰吾貌得

之耳藩庫失藏金日升視藏中有題壁以問藏吏曰此

老胥某手跡索其家金果在也其神明多類此嘗謂誤

入一蔬一果見與隸必三日忤至其臨事人或規之曰

吾有口可泥封耶仕終應天府尹

善

周順昌字景文江南吳縣人萬歷四十一年進士授福州

府推官捕治稅監高索爪牙不少貸家激民變劫辱巡

撫袁一驥質其二子并質副使呂純如或議以順昌代

順昌不可純如銜之後擢吏部主事轉員外假歸天啓

中魏忠賢矯旨逮赴詔獄潛覺之崇禎初贈太常卿諡

忠介

明史

陸文衡字坦持吳江人萬歷四十七年進士授工部主事

天啓中出守福州時魏璫生祠遍海內眾議福為閩首

郡當倡立文衡堅持不可卒不建故閩閩省無璫祠由

文衡格其議也崇禎改元陞浙江參政

吳江縣志

趙繼鼎德州人天啓進士崇禎初福州司理公明堅決不

畏強禦凡所平反多得情奸猾斂跡號趙鐵面

福建通志

王凝命雲南人崇禎辛未進士福州理刑有清操閩俗喜

福州府志

卷四十七 名宦二

五

訟多服毒草陷讐者凝命嚴法痛懲風遂息與上官不

合解綬去

福建通志

國朝

○王之儀字虞庭廣寧人康熙六年知福州耿逆縱黨肆

惡羅源知縣張猗答而驅之出境逆怒逼之儀具罪狀

誣紳之儀正色曰九邑賢員惟紳為最劾之如公道何

寧去官不敢奉命逆不能奪十三年三月十五日逆難

作繼文武官赴藩府計事之儀與同知建寧府喻三畏

知饒官縣劉嘉猷慷慨罵賊同被殺屍出逆府家咸墮

決逆復遣黨圍其署妻張氏于琅皆自殺事聞贈太僕

寺卿子卹廕三十五年入祀九忠祠

福建通志

○連維城正白旗漢軍人康熙三十六年知福州閩縣

祠每寒暑感疾輒目爲司疫之神所爲以五月五日爲

疫神生辰巫覡煽誘男婦科歛演祝其有疾之家不事

醫藥樹紙舟建醮以爲祈禱晝夜喧闐奔走若狂維城

痛懲其弊力請大吏禁止之折毀淫祠凡百十餘所郡

有造偽銀者立寘之法又立救火器械擒治乘火搶掠

者後卒于官士民祀於西湖書院

福建通志

福州府志 卷四十七 名宦二

三

○石曰琮字璞公長山人康熙辛未進士四十七年以巡

撫張伯行薦知福州首禁奸民居贏積米昂市價者官

修戰艦購木於商其值多不敷商以爲病曰琮必予其

值相當各屬案牘設勤能補拙四字次第傳催不輕

一役所屬徵收歲額侵蝕弊絕時年七十矣卒於官

通志

福州府志卷之四十七 終

福州府志卷之四十八

名宦三

歷代縣令傳屬附

閩縣

唐

李茸太和中令閩縣縣東五里有海堤茸奉命所築先是

每六月潮水鹹鹵灌入禾苗多死茸爲堤渚溪水皆

爲良田又長樂縣本亦縣地其東十里有海堤有斗門

以禦潮旱則渚水湧則洩之亦爲良田茸所築

宋

福州府志 卷四十八 名宦三

一

黃德裕字仲益邵武人元豐中知閩縣方正有爲

閩書

陳麟字夢兆沙縣人大觀間知閩縣有里人爲富家誣爲

盜麟辯其冤尋獲真盜有勢家欲徙人墓部使者屬麟

不從使者怒後索翠羽他邑惟命獨閩無有也使者愈

怒問汝何恃乃爾曰惟潔已自守耳時與黃琮翁各稱

閩中三循吏

聯非卷曰葉

張維字振綱南劍州劍浦人中紹興八年進士第知閩縣

定差役條約貲倍者半其停年民以爲便已而制下

定役法如之官募丁匠丹楫於民無度維與約一歲丁

匠之役不過三日丹若干爲甲甲三日縣賦故多取具於僧坊維爲區畫使其徒自相習無擾而賦辦僧歲以蒞子餉官維一謝卻曰奈何以口腹易吾操耶積餐錢數十萬義不納會浮添敗官舍匠役過前約悉以餽之曰毋失信於民民號之曰張太清以便親請主營崇道觀以歸官終左司郎中

朱子右司張公誌銘

劉煥字晦伯建陽人與弟炳同受學於朱子乾道八年進士調連城令獨無名征歛新其縣學教諸生入德之方改知閩縣用清簡爲治與民有信大族貴宦頑庶姦胥

福州府志

卷四十八 名臣三

二

莫敢撓法諸臺府合詞連薦以與丞相趙汝愚有連欲他用之叅政陳騭昌言於衆召試館職非劉某孰可者竟避汝愚嫌乞通判潭州官終權工部尚書論文簡

閩志

胡巖起嘉定中知閩縣卓行危論奇文瑰句一時士大夫

皆以爲不可及

正德府志

杜果邵武人初授海門買納鹽場官監司檄攔閩尉民有

甲之千死誣乙殺之驗髮中得沙而甲舍旁有沙池類

髮中者鞠之于果溺死其才敏有爲類此

正德府志

明

魏谷才承樂初知閩縣平易近民雅好士類行事詳審民

得輸其情

正德府志

林遼潮陽人師事蔡希仁受古文尚書洪武乙丑進士授

閩縣丞歲饑請賑多所全活入覲賜勅還疏請厲禁沿

海捕魚優詔答焉

閩志

陳敏政臨安人宣德間知閩縣時中貴採辦方物聚城中

至十八人敏政每夜五鼓出二鼓入能以智敏應變便

宜集事奸暴黷貨者不得肆里胥不擾公私無困

正德府志

秦淦字懋清慈谿人嘉靖中知閩縣時倭寇交訌富室多

福州府志

卷四十八 名臣三

三

閉糴而逃亂流移之衆不能自存淦望門勸貸得積粟

爲糜於路以飼餒者全活甚衆

萬曆府志

許子良字直卿仁和人隆慶初知閩縣爲政和平簡易催

科不擾後官至都御史

萬曆府志

侯官縣

懷安縣附

宋

方叔完莆田人元豐中知侯官縣民有與懷安民訟水利

叔完往按直之二邑稱公時會舉守郡少與可獨重叔

完薦之於朝

萬曆府志

吳評字正詞崇安人景祐進士治平中令懷安自雲頂山

開半腸溪十餘里入城官至中大夫致仕贈開國侯

吳紀嘉祐三年知懷安縣時郡守蔡襄欲復東湖不可得

乃從樂遊橋開沿城外抵湯門琴亭湖心至北嶺下去

思橋北出浦尾船塢散入港北小浦中浦石泉安園以

北紀作橋十三曰漏壩曰壩北曰小浦曰中浦曰湖心

曰琴亭曰越塘曰龍腰曰後溪曰桑畝曰嶺下曰范溪

曰瀨溪東湖既涸賴此港浦橋梁導東北諸水以達于

東門也又北嶺達于宦溪其山磴路北通連江沿岸以

福州府志

卷四十一 名宦二

四

濟高一千八百步紀募治食高爲夷正曲爲直凹者凸

陷者續迄今七百年賴之

三山志卷
閩都記

吳及字幾道靖海人年十七登進士元符中爲候官尉

閩俗多自毒死以誣讐家及悉爲蘇正前後活五十三人

帥可笑之移其法於一路

閩書

方伯壽叔完之兄爲候官尉有盜殺人追捕無驗伯壽聚

里民各詢姓名至會忍熟視之口田中殺人者汝也

一訊而服

正德
府志

項悅字無欲永嘉人初調閩縣簿再調福清簿邑有七賢

之諸悅居其首知候官縣治加恢拓庭無朴樹

購兩端潭潭在萬山中披棘徒行烈日中數十里下山

雨注兩晝夜歲大稔而悅以病賜死

福清志

余克濟安溪人慶元間尉候官克濟在下僚而能有立有

貴官求尉辟益其居州既許矣克濟力爭不與帥不能

奪遷浙西常平幹官歷知梅州皆有政聲

正德萬曆二
府志合纂

魏必昌字世復晉江人初尉懷安年尙少有豪家訟田

不決必昌折以禮法兩豪皆服移興化錄事持廉壁立

無干以私者劉克莊贈以詩曰守法仁人勇防身處女

福州府志

卷四十一 名宦三

五

嚴人以爲實錄

正德
府志

明

薛武龍泉人洪武九年知懷安縣蒞官清謹公勤時縣治

始遷入于城北武知民力已困留心撫字不用刑罰民

賴之如父母

正德
府志

嚴毅洪武中候官主簿以清謹著稱邑有盜剽掠殺追捕

之一渠魁欲害殺乃詐爲武官之任置酒延殺殺覺就

席擒焉

正德
府志

劉子敬洪武中以御史謫候官典史嘗自署曰蘇漢儉常